



**KETUA PENGARAH IMIGRESEN MALAYSIA
DIRECTOR GENERAL OF IMMIGRATION, MALAYSIA
JABATAN IMIGRESEN MALAYSIA
(IMMIGRATION DEPARTMENT MALAYSIA)**
NO. 15, TINGKAT 1-7 (PODIUM)
15, 7TH FLOOR (PODIUM)
PERSIARAN PERDANA, PRESINT 2,
PERSIARAN PERDANA, PRECINT 2,
62550 PUTRAJAYA
WILAYAH PERSEKUTUAN
FEDERAL TERRITORY, MALAYSIA


Telefon : 603-8880 1005
Faks : 603-8880 1201
Portal Rasmi : www.imi.gov.my

“KEDAULATAN DAN KESELAMATAN NEGARA TANGGUNGJAWAB BERSAMA”

Ruj: IM.101/HQ-H/969/9 Jld.4 (45)
Tarikh: 17 Mac 2020
22 Rejab 1441H

**Semua Pengarah Bahagian, Ibu Pejabat
Semua Pengarah Imigresen Negeri
Pengarah Imigresen KLIA**

YBhg. Datuk/Dato'/Datu/Tuan/Puan,

**TATACARA PELAKSANAAN PERINTAH KAWALAN PERGERAKAN
JABATAN IMIGRESEN MALAYSIA**

Dengan hormatnya saya merujuk kepada perkara tersebut di atas.

2. Dimaklumkan bahawa YAB Perdana Menteri Malaysia telah memutuskan supaya Perintah Kawalan Pergerakan di seluruh negara akan dilaksanakan bermula 18 Mac 2020 hingga 31 Mac 2020.

3. Perintah kawalan pergerakan ini akan melibatkan sekatan menyeluruh semua perjalanan warganegara dan penduduk tetap Malaysia ke luar negara dan sekatan kemasukan semua pelancong dan pelawat asing ke dalam negara. Sehubungan itu, semua Pengarah Imigresen Negeri perlu mengambil perhatian seperti berikut:

- 3.1 Bagi warganegara dan penduduk tetap Malaysia yang pulang dari luar negara, mereka dibenarkan masuk dan dikehendaki menjalani pemeriksaan kesihatan dan melakukan kuarantin sendiri (*self quarantine*) selama 14 hari.
- 3.2 Bagi warganegara dan penduduk tetap Malaysia yang memegang Pas Jangka Panjang Negara Ketiga dan ingin pulang ke negara tersebut, mereka dibenarkan keluar dengan syarat mereka tidak pulang ke Malaysia sebelum 31 Mac 2020 dengan disertakan dokumen atau bukti yang kukuh sebagai rujukan di kaunter pemeriksaan.
- 3.3 Diplomat Malaysia dibenarkan ke luar negara untuk kembali bertugas di perwakilan masing-masing.
- 3.4 Pelawat asing dibenarkan keluar dari Malaysia dan tidak dibenarkan kembali semula sepanjang tempoh sekatan ini berkuat kuasa.
- 3.5 Semua pemegang pas seperti Pas Lawatan Kerja Sementara, Pas Pelajar, Pas Ekspatriat, Pas Tanggungan dan Pas Lawatan Sosial Jangka Panjang (MM2H) tidak dibenarkan masuk. Sekiranya pas tamat tempoh semasa pemegang pas berada di luar negara, mereka dibenarkan kembali semula ke negara ini selepas tempoh perintah kawalan pergerakan ini berakhir.
- 3.6 Warganegara dan penduduk tetap Malaysia yang bertujuan keluar negara atas tujuan melancong adalah tidak dibenarkan keluar.

- 3.7 Semua penduduk Malaysia dari Semenanjung tidak dibenarkan untuk menaiki penerbangan ke Sabah dan Sarawak. Begitu juga sebaliknya penduduk di Sabah dan Sarawak. Bagi mereka yang telah berada di Sabah dan Sarawak sebelum arahan ini dikeluarkan boleh dibenarkan kembali ke Semenanjung dan begitu juga sebaliknya.
- 3.8 Suami / Isteri dan anak kepada Warganegara Malaysia dibenarkan masuk dengan syarat mempunyai Pas Lawatan Sosial Jangka Panjang (Suami / Isteri).
- 3.9 Diplomat asing yang bertugas di perwakilan dalam negara dibenarkan masuk dan menjalani kuarantin sendiri (*self quarantine*) selama 14 hari. Sekiranya pasangan atau keluarga diplomat ingin masuk bersama ke Malaysia, mereka perlu mempunyai Pas Tanggungan.
4. Sebagai panduan, kawalan yang perlu dilaksanakan di pintu-pintu masuk negara adalah seperti berikut:

4.1 Kawalan Pergerakan di Pintu Masuk Udara

- 4.1.1 Krew dan kapten penerbangan termasuk kargo dibenarkan masuk dan tertakluk kepada saringan kesihatan.
- 4.1.2 Penerbangan transit untuk ke negara ketiga tanpa melalui pemeriksaan imigresen adalah dibenarkan.

- 4.1.3 Semua Autogate Warganegara (Malaysia), E-Gate Warga Asing dan E-Gate MACS di Balai Pelepasan perlu ditutup sehingga tarikh yang akan dimaklumkan kemudian.

4.2 Kawalan Pergerakan di Pintu Masuk Darat

- 4.2.1 Warganegara dan penduduk tetap Malaysia yang mempunyai permit kerja di Negara Singapura dan Thailand tidak dibenarkan keluar dari Malaysia.
- 4.2.2 Warganegara dan penduduk tetap Malaysia yang hanya transit di sempadan Malaysia – Brunei dibenarkan masuk dan keluar mengikut arahan Pihak Berkuasa Negeri yang sedang berkuat kuasa.
- 4.2.3 Warganegara dan penduduk tetap Malaysia tidak dibenarkan mengunjungi Kompleks Bebas Cukai di Bukit Kayu Hitam, Kedah.
- 4.2.4 Warganegara dan penduduk tetap Malaysia atau warganegara asing yang memandu kenderaan berat untuk tujuan membawa bekalan makanan sahaja adalah dibenarkan keluar dan masuk serta dikehendaki menjalani pemeriksaan kesihatan.
- 4.2.5 Warganegara dan penduduk tetap Malaysia yang menggunakan perkhidmatan kereta api di Padang Besar, Woodland Train Check Point (WTCP) dan Johor

Bahru Sentral hanya dibenarkan untuk masuk ke Malaysia sahaja.

4.3 Kawalan Pergerakan di Pintu Masuk Laut

- 4.3.1 Semua kapal persiaran tidak dibenarkan berlabuh di semua pelabuhan di Malaysia.
 - 4.3.2 Semua kapal persiaran dan kapal layar tidak dibenarkan untuk berlabuh dan mendapat kemudahan imigresen.
 - 4.3.3 Feri penumpang tidak dibenarkan untuk membawa pelawat asing masuk ke Malaysia.
 - 4.3.4 Kokpit, Barter Trade dan Kapal Kargo yang membawa bekalan makanan sahaja dibenarkan masuk ke Malaysia.
 - 4.3.5 Anak Kapal tidak dibenarkan *sign on* dan *sign off* sepanjang tempoh kawalan pergerakan ini berkuat kuasa.
 - 4.3.6 Anak Kapal Kargo boleh diberi *landing pass* tetapi tidak dibenarkan keluar daripada kawasan pelabuhan.
5. Arah terkini ini **berkuat kuasa pada 18 hingga 31 Mac 2020** dan sebarang perubahan berkaitan arahan ini akan dimaklumkan dari semasa ke semasa. Semua pertanyaan dan kemosykilan berkenaan perkara ini boleh merujuk kepada **Bahagian Keselamatan dan Pasport**.

SULIT

6. Kerjasama YBhg. Datuk/Dato'/Datu/Tuan/Puan berhubung perkara ini amatlah dihargai.

Sekian, terima kasih.

"BERKHIDMAT UNTUK NEGARA"
"INTEGRITI PROFESIONAL MESRA"

Saya yang menjalankan amanah,

(DATO' INDERA KHAIRUL DZAIMEE BIN DAUD)

Ketua Pengarah Imigresen

MALAYSIA

s.k:

- i) Ketua Setiausaha
Kementerian Dalam Negeri, Blok D1, Kompleks D,
Pusat Pentadbiran,Kerajaan Persekutuan,
62546 PUTRAJAYA

- ii) YBhg. Dato' Timbalan Ketua Pengarah Imigresen (Kawalan)
- iii) YBrs. Tuan Timbalan Ketua Pengarah Imigresen (Operasi)
- iv) YBhg. Dato' Timbalan Ketua Pengarah Imigresen (Pengurusan)
- v) Semua Atase Imigresen
- vi) Semua Pintu Masuk

SULIT